

**I** FLETËUDHËZUES I PAKETIMIT: Informacion për pacientin

# MONOPAN

## TABLETA 40 mg (Izosorbid 5 - Mononitrat)

**Lexojeni me kujdes këtë fletëudhëzues përpara se të filloni përdorimin e barit.**

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëntojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

### Në këtë fletëudhëzues:

- Çfarë është Monopan dhe përse përdoret
- Përpara se të merrni Monopan
- Si ta merrni Monopan
- Efekte anësore të mundshme
- Si ta ruani Monopan
- Informacion i mëtejshëm

**1. ÇFARË ËSHTË MONOPAN DHE PËRSE PËRDORET**  
Izosorbid 5- mononitrati i përket grupit të nitrateve me veprim vazodilator.  
Nitratet përdoren për trajtimin dhe parandalimin e simptomave të angina pectoris (dhimbja e gjoksit) dhe gjendje të tjera të zemrës duke përfshirë insuficiencën kardiake. Angina është një dhimbje ose një shtërngim i gjoksit i shkaktuar nga mungesa e oksigjenit që shkon në muskulaturën e zemrës. Nitratet veprojnë në dy rrugë. Ato zgjerojnë arteriet të cilat çojnë gjak në muskulin e zemrës dhe relaksojnë venat të cilat kthejnë gjakun nga trupi në zemër. Të dy këto veprime lejojnë të shkojë më shumë oksigjen në muskulin e zemrës dhe pakësojnë punën e zemrës. Në këtë mënyrë parandalohet një atak akut i anginës dhe lehtësohet dhimbja e gjoksit e shkaktuar nga angina.

**2. PËRPARA SE TË MERRNI MONOPAN**

- në rastet me mbindjeshmëri ndaj nitrateve
- në insuficiencë akute qarkulluese, të shoqëruar me hipotension të theksuar (shok, gjendje kolapsi)
- në gjendje të shoqëruar me presion intrakranial të lartë
- në insuficiencë të miokardit për shkak të ngushtimit (p.sh. në kushte të stenozës mitrale ose aortale, perikardite ngushtuese)
- njëkohësisht me sildenafil citrat (Viagra) sepse sildenafili mund të potenciojë efektin vazodilator të izosorbidit duke shkaktuar hipotension të rëndë.

**Tregoni kujdes të veçantë me Monopan**  
Pyesni mjekun tuaj përpara se të merrni Monopan dhe sigurohuni që mjeku juaj e di që ju:

- jeni shtatzënë, ose ushqeni fëmijë me gji
- jeni alegjik ndaj barit ose barnave të ngjashëm me të (klasës së nitrateve)
- vuani nga zemra, ose keni probleme me mëlçinë ose veshkat
- vuani nga hipotensioni
- kohët e fundit keni pësuar ndonjë traumë në kokë ose hemorragji cerebrale
- vuani nga anemia
- vuani nga tiroidet
- vuani nga glaukoma
- merrni barna të tjera për të trajtuar disfunzionin erektil.

**Marrja e barnave të tjera**  
Trajtimi i njëkohshëm me barna të tjera mund të ndikojë ose të ndikohet nga Monopan. Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me izosorbid mononitrat në qoftë se ju jepet ndonjë bar tjetër gjatë trajtimit.  
Trajtimi i njëkohshëm me barna të tjera vazodilatatore, bllokues të kanaleve të kalçiumit, frenues të ACE-s, beta-bllokues, antihiperten-sivë, antidepressivë trciklikë, qetësues madhorë, mund të fuqizojë efektin hipotensiv të Monopan.  
Marrja e njëkohshme me dihidroergotaminë mund të rrisë biodisponibilitetin e dihidroergotaminës.  
Kujdes të veçantë duhet të tregojnë pacientët me artero - koronaropati sepse dihidroergotamina kundërshton efektin e nitrateve dhe mund të

çojë në ngushtim të enëve koronare.  
Nuk mund të përjashtohet fakti se acidi acetilsalicilik dhe antiinflamatorë të tjerë josteroidë mund të zvogëlojnë përgjigjen terapeutike të Monopan.

**Marrja e Monopan me ushqim dhe pije**  
Konsumimi i alkoolit mund të fuqizojë efektin hipotensiv të këtij bari.

**Shtatzënia**  
**Kërkoni këshillën e farmacistit ose të mjekut përpara se të merrni këtë bar.**  
Si një rregull i përgjithshëm, në tremujorin e parë të shtatzënisë nuk duhet të merren barna. Gjatë gjithë shtatzënisë duhet të merret parasysh risku dhe përfitimi i përdorimit të tyre.  
Përdorimi i këtij bari duhet të jetë i kufizuar, megjithëse nuk janë raportuar efekte në fetus. Bari duhet të përdoret në shtatzëni vetëm kur është i domosdoshëm.

**Ushqimi me gji**  
Nuk dihet nëse bari kalon në qumështin e gjirit. Kundrejt përmirësimit të nënës duhet të kihet parasysh risku ndaj fëmijës.

**Drejtimi i automjetit dhe përdorimi i makinerive**  
Edhe kur bari mund të merret sipas porosisë së mjekut ai mund të ndikojë në aftësitë e pacientit për të drejtuar automjetin ose përdorur makineri. Ky ndikim mund të ndodhë përgjithësisht në fazat e para të mjekimit, kur ndërrohet bari, ose kur është konsumuar alkool.

**3. SI TA MERRNI MONOPAN**  
Gjithmonë merreni këtë bar sipas këshillës së mjekut. Në qoftë se nuk jeni i sigurt kontaktoni me mjekun ose farmacistin. Në qoftë se ndjeni që efektet e Monopan janë shumë të forta ose shumë të dobëta, flisni me mjekun ose farmacistin tuaj. Tabletat duhet të gëlltiten me të paktën gjysmë gote ujë.

**Rregullat e përgjithshme:**  
Monopan nuk mund të përdoret për mjekimin e krizave akute të angina pectoris, në qoftë se ato ndodhin gjatë mjekimit nitrate të tjera me veprim të shpejtë duhen përdorur.  
Mjekimi nuk duhet të ndërpritet menjëherë sepse ekziston risku i një ataku.  
Tabletat janë të ndashme, gjë që lejon përshtatjen e dozave sipas kërkesës.  
Gjatë trajtimit për kohë të gjatë me nitrate me veprim të ngadaltë (izosorbid), tek disa pacientë mund të zhvillohet edhe tolerancë.

**Angina pectoris**  
Trajtimi fillohet me ½ tablete dy herë në ditë dhe doza mund të rritet me ½ e 40 mg sipas gjendjes së pacientit.  
Doza maksimale mund të arrijë deri në 80 mg në ditë.

**Insuficiencë kardiake kronike**  
Në rastet e mjekimit të insuficiencës kardiake kronike, ai duhet të fillohet në spital, ku pacientit t'i kontrollohet gjendja hemodinamike dhe duhet të vazhdojë mjekimin në spital edhe pasi t'i jetë përcaktuar doza mbajtëse.  
**Fëmijët**  
Nuk ka të dhëna për përdorimin e barit tek fëmijët.

**Në qoftë se keni marrë më shumë Monopan**  
Pacienti duhet të jetë nën kujdesin e mjekut. Simptomat e mbidozimit me Monopan përfshijnë: dhimbje të forta koke, vështirësi në frymëmarrje dhe gëlltije, krampe muskulore, të vjella, të përziera, diarre, ethe, zverdhje, çrregullim të të rrahurave të zemrës, çrregullim në shikim dhe të dridhura.

**Në qoftë se keni harruar të merrni Monopan**  
Në qoftë se keni harruar të merrni një dozë, merrni dozën e harruar sa më shpejt të jetë e mundur. Në qoftë se doza juaj pasardhëse është pas 2 orësh, mos e merrni dozën e humbur, por prisni orarin tjetër të marrjes së barit.  
Mos merrni dyfishin e dozës.  
Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

**4. EFEKTE ANËSORE TË MUNDSHME**  
Si të gjitha barnat e tjera, Monopan mund të shkaktojë efekte anësore, megjithëse jo çdokush i manifeston.

**Shumë të zakonshme:**  
**Në Sistemin Nervor Qendror**  
Si të gjitha nitratet e tjera, Monopan mund të japë dhimbje koke, e cila vjen si pasojë e zgjerimit të enëve të gjakut dhe është në varësi të

dozës. Dhimbja e kokës dobësohet pas disa ditë terapie. Në qoftë se nuk zhduket, ajo mund të trajtohet me analgjezikë. Në rast se trajtimi me analgjezikë nuk është i efektshëm, doza e Monopan duhet të reduktohet ose të ndërpritet trajtimi me këtë bar.

**Të zakonshme:**  
**Në sistemin kardiovaskular**  
Skuqje në fytyrë, dobësi, hipotension postural, i cili mund të provokojë takikardi reflektore. Kjo mund të shmanget nga kombinimi me një beta - bllokues.

**Të rralla:**  
**Trakti gastrointestinal**  
Të përziera, të vjella.


**5. SI TA RUANI MONOPAN**  
Mbajeni larg fëmijëve.  
Mos e përdorni pas datës së skadimit e cila është e shënuar në paketim.  
Mos e ruani mbi 25°C.  
Ruajeni në paketimin original për ta mbrojtur nga drita.


**6. INFORMACION I MËTEJSHËM**  
Çfarë përmban Monopan  
Lënda vepruese është Izosorbid - 5 - mononitrati.  
Çdo tabletë përmban 40 mg izosorbid - 5 - mononitrat.




**Përbërësit e tjerë janë:** celulozë mikrokristalore, laktozë monohidrat, amidon misri, amidon i prexhelatinizuar, stearat magnezi, dioksid silici koloidal, oksid hekuri i kuq (E 172).

**Përbajtja e paketimit**  
Kuti me 30 tableta.

**Shpjegues i ikonave ilustruese në paketim:**

 Këshillohuni me mjekun ose farmacistin tuaj.

 Tableta të ndashme, çka lehtëson përshtatjen e dozës.

 Përbajtja.  Kujdes.  Forma e tabletës.

**Mbajtësi i autorizimit për tregtim (MAH) dhe prodhuesi:**

 **PROFARMA Sh.a.**  
Rruga "Myslym Keta"  
Tel./Fax: 00355 4 23 62 800  
Tiranë - Albania

**Ky fletëudhëzues u formulua në Nëntor 2013.**